

K29-51
七

中國方志叢書•華北地方•第二〇四號

據未著纂修人姓影印
民國 鉛印 本影印

陝西省

碑坪縣志(全)

成文出版社有限公司印行

中華民國五十九年

月臺一版

磚坪縣志

全一冊

發行人：黃成助

出版者：成文出版社有限公司

台北郵政信箱二二六〇五號

台北郵政信箱二二六〇五號
台北市羅斯福路三段279之二號

印刷者：東南印製廠有限公司
和平西路二段70巷33弄29號

內政部登記證內版台業字第一一四七號

磚坪地理志

廳治沿革攷

磚坪禹貢梁州域也商周時爲庸國春秋文公十六年併於楚戰國秦惠王取楚漢中六百里此地與焉迄始皇列爲縣曰西城屬漢中郡漢隸益州王莽易名新城東漢建安二十年置爲西城郡魏改郡魏興西城附郭隸荊州晉因之劉宋改隸梁州梁改南梁州魏興郡西城隸之西魏王雄平魏興因其地產金尋更名金州後周置安康郡天和四年西城併吉安入金州治隋初復置西城郡隸梁州義甯二年仍以名縣唐武德元年仍改爲金州領西城隸山南東道逮天寶乾元間兩更郡名曰安康曰漢陰後復更名金州自五代以迄兩宋數百年中迭更六朝而金州西城之名罔替惟元經兵燹後廢西城縣乃降爲散州仍秦治屬漢中明萬歷十一年易興安州二十四年改爲直隸州

國朝乾隆四十八年復陞爲府安康首縣其地盡歸管轄縣境遼闊因設縣丞一員駐西南磚坪專司緝捕甄坪之設官自此始嘉慶季年秦楚蜀大吏會奏以三省邊疆山深林密爲盜賊藪請移鳳翔通判於此靖邊撫民

制曰可道光二年改設廳治屬興安府

附節錄改甄坪廳通判原摺一陝西邊境應改設文員以資治理也查陝西興安府屬之安康所管地方跬步皆山該縣迤南甄坪營與四川太平廳城口廳營連之大界嶺楊泗岩南天門兩扇門等處未開老林袤長三四百里地極險要原設縣丞不足以資治理應改設撫民通判並設巡檢一員兼司獄事其地距安康二百四十里係通蜀要路添設廳治自安康南直抵川界俱歸通判管理與知縣分疆治理庶無鞭長莫及之虞查有鳳翔府通判與該府同城事簡等閒可以裁抵改爲甄坪撫民通判該處界連川楚地方緊要請照孝義甯陝留壩定遠等處廳邊俸之例定爲在外題調之要缺

五年俸滿保題陝省繁缺其應需巡檢一員查留壩廳南星巡檢係屬閒曹應卽裁汰改爲甄坪巡檢兼司獄事舊設甄坪縣丞一員查漢中府屬之黑河棧壩一帶綿亘數百里地甚險要應請將甄坪縣丞移駐黑河適中之略

陽觀音寺改爲略陽縣縣丞專司巡緝以昭嚴密

附考梁州域

通志夏爲梁州之域

庸國

尚書牧誓庸蜀彝孔疏庸在漢南寰宇記金州周庸國括地志上庸竹房邑及金州皆

庸地方輿紀要春秋庸國地陝西資政錄商周時爲庸國號三庸

益州漢中郡

漢書地理志漢中郡秦置莽曰新城屬郡通志卽今興安州

楚地

春秋文公十六年楚

西城

志秦惠

王置西城縣屬漢中郡通志卽今興安州

吉安

隋書地理志漢中郡秦置莽曰新城屬郡治西城領安陽旬陽錫通志漢爲後漢爲西城縣地屬漢中郡水經注後魏吉安縣後周天和四年省西城郡

併吉安入金州通志隋爲金州

金州

通志隋爲金州縣地

地里

甄坪地處省南距省九百六十里在興安府之西南相距三百四十里初爲安康縣丞分駐地道光初撥安康小道河大道河嵐河三鋪平利維新一里

改陞爲廳其疆域東路由廳至蘭河口十五里由蘭河口至草鞋塢十五里由草鞋塢至放牛廠二十五里由放牛廠至毛坡梁二十五里與平邑交界又由蘭河口分枝至溢河壩十五里溢河壩至花鯉壩四十里花鯉壩至孟氏嶺汎三十里孟氏嶺汎至金貓關三十里亦與平邑交界南路由廳至梅家寨三十里梅家寨至構坪二十里構坪至漳河坪五十里漳河坪至回馬山四十里回馬山至打鼓坪四十里與四川交界又南由廳城至麥溪溝三十里麥溪溝至木竹壩五十里木竹壩至界梁一百里與四川交界西路由廳城至一口印二十五里一口印至小鎮太山廟二十五里太山廟至明珠壩三十里明珠壩至吊陽關十五里與紫陽交界又西由明珠壩分枝至大道河口五十里與安康交界北路由廳城至方家塢五里方家塢至六口十五里六口至黃泥壩十里黃泥壩至花壩十里花壩至佐龍溝二十里佐龍溝至杜家壩三十里與安康交界

山

本境山脈可分爲五一中梁子東爲蟠蛇吐箭西爲穆王寨再西爲萬人寨其在嵐河之東北者爲南宮觀山其山俱發於巴嶺橫亘廳南儼如屋脊嶺以南爲四川城口地北即廳境自西北針貫東南縣長一百五十餘里中梁子山脈自巴嶺之光頭山起山左爲大漳河腦右爲滄水河腦蜿蜒北走十五里許突起一峯爲三元寨濱於漳河之西再北七十餘里又聳出秀峯爲轎頂山山左爲木竹壩右爲茨竹湖而保民寨八家寨皆峙於其北又二十里爲雙河寨又二十里爲梅家寨山勢至此漸次擴張分數十丈向東北抵嵐河而盡其正支再北十五里爲梯雲寨寨之麓廳城在焉再五里至方家壩再十五里至水圍城而盡蟠蛇吐箭山脈發巴嶺之大花池其東卽平利界也此山分支甚多其正支向西北斜行而分支皆向北直行其第一支爲金貓關山脈山左水入金鷄河右水入平利牙河本廳與平邑卽以此山分

水爲界此分支計長七十里至金貓關抵嵐河而盡第二支自鳳形山分脈至高視巢止長四十里山左水入支河右水入金鷄河第三支自天柱山分脈至貓兒寨山左水入朱溪河右水入支河計長四十五里其第四支自小天山分脈至羊角寨止計長三十餘里山左水入洋溪河右水上截入朱溪河下截入嵐河以上四支均北行抵嵐河而盡正支自朱溪河腦束腰爲峽迤西北行層巒疊嶂有藥王寨閻王尖諸險自挖斷崗以下山勢稍平至滔河口蟠蛇吐箭處而盡卽俗傳水賊劉宏墓處也山左水入滔河右水入嵐河計長一百三十餘里

穆王寨山脈在中梁子脈之西起於巴嶺之楊泗巖北下三十里有俗呼小摩天嶺者峯極峭麗再北八十里至遇子坪始迤而西至柏枝埡山腰爲之一束再北三十里即穆王寨山山勢突起峰極高峻而山頂平廣約百餘畝明末爲山賊所據有跑馬場大石磨諸遺跡環境諸山以此爲最高再北則

分數支峯峻谷深林箐深密一支自紅皮梁西北行約三十里爲藥尖山此山爲西北巨鎮山上多藥故名又三十餘里至沙溝而盡一支自青岩溝西北抵漢江南之磨盤山而盡山左水由沙溝入大道河右入小道河有太平金星白岩安樂諸險寨其正支傍嵐河而北至小道河腦山腰略爲一束右卽佐龍溝之南源再北十餘里至廖家壩爲佐龍溝北源入安康境三十里抵漢江而止此山約長二百四十里直貫廳境之中其在本境者二百一十里入安康境者僅三十里山之右自穆王山以上水入四季河以下均入嵐河山左自青巖溝以上水入大道河以下水入漢江河萬人寨山脈自巴嶺之潘家山發脈起首卽分東西二處如戟指然其東支左依盤河左傍橫溪河至鐵佛寺而盡計長九十餘里西支左爲洞河源卽大小北河也右挾盤河迤北五十里至大小水絲壩爲芙蓉官園東西相通孔道再北三十里卽萬人寨寨極高大凡鎮靈溝班鳩關諸堡入城多取道於此自此以北則

亂山高下巒嶂複雜至吊陽關而勢爲一束此爲西來孔道亦要地也自此迤而西北山勢復聳直抵漢濱安康嘴而盡山右水均入大道河山左水均入洞河其山左諸堡如班鳩關如响水溝如廻水灣許家河如鄒家編如鐘靈溝皆懸紫陽境內星羅棋布不與廳境毗連者也

南宮觀山山脈在嵐河東北發源於平利之化龍山至東瓦溪溝腦獨樹巖始入廳境山左分支在廳境中者有三一自獨樹巖分支爲筆架山秀峰高聳石盡人立有寶蓮石門諸勝境又有蓮盆爲五瓣石片所成高懸巖側人工不及爲嵐河名山之一西爲黑虎寨寨之麓苦竹關在焉關前爲麻柳沖即周副將玉堂擊會匪處也再西北至紫埢寨而盡計長四十里山左水入嵐河右入溢河其自塢頭山分支者右三星寨山脈西行至松樹梁而盡計長五十餘里山左水入溢河右入蘭河其自平頭山分支西北行者爲雲霧山脈山左水入嵐河右入香河爲安康境至雲蓋峯迤而北有蠟燭山再北

由獐子溝腦入安康境至香河口而盡計長百餘里在廳境約八十餘里

白鶴巖山 在廳東距廳城二里許形勢崢嶸爲廳東之屏障

中梁子山 在廳南距廳城五里許形勢雄壯爲廳城之鎮

梯雲寨山 在廳西距廳城三里許山半有炮台爲廳城之保障

營盤梁山

在廳北距廳城四里許山環水抱嘉慶時於此屯兵爲廳北之屏障

龍安寨山

在廳東距廳城八十里發脈於化龍山迤邐而來至寨下而止寨

舊有石城不完固光緒二十九年監生盛肇南獨出資重修如鐵壁然

筆架山

在廳東距廳城百里三峯聳拔頂上有方池大旱不涸下有寶蓮洞鄉人就此建廟廟外向左數武兩石對立中有小徑名石門子

出此觀鷄公石挺立石筍高標下即蓮花石盆又有古木奇石互相掩映此皆天造地設令人叫絕真仙境也

臘燭山

在廳北距廳城四十里兩峯對峙上如凌霄漢如臘燭然

羊角山

在廳南距廳城四十里發源於化龍山蜿蜒而來至洋溪河突起一柱擎天之勢也

按本境之山概發脈於西蜀踰界梁以來分支漸多或入平利界或入紫陽界或入安康界或至本境而止或至漢江而止凡有名之山與廳城有關係有古蹟者俱採訪敍明其餘疊嶂層巒枝峯蔓壑前此無志書可攷無畫圖可按自來無名故不悉志

東鄉

蘭河口 距廳城十五里東草鞋壩西城關南溢河壩北直上大梁接安康界湖河數里有相子廟形式狹小迤北忠信寨頗險峻土人避賊恒於此草鞋壩距城三十里東與放牛廠連西蘭河口南溢河口交界北至木瓜壩與安康交界其地初等小學堂暫租民屋俟經費足後即擇地改設

放牛廠距城五十里西界草鞋壩南界溢河上保東至芽坡梁北至熊家壩交平利界香爐山聳其北上建祖師廟頗稱勝境山右爲凌霄寨尤高峻其初等小學堂亦暫租民房俟後改建

溢河壩上保距城七十里東至界嶺與平利接西與下保接界南至曾子石
與花鯉墟接界北與放牛廠草鞋壩接界其初等小學堂設於二郎廟上下
保均附於此

溢河壩下保距城三十里東界與上保西南龍廟南花鯉墟西南洋溪河北
蘭河口東北草鞋壩街臨嵐河自此河可通舟至花壩歇憩橋其南苦竹關
卽昔安康平利分界處

洋溪河距城四十五里東連花鯉壩東南與朱溪河連西南接茨竹湖界西
構坪北龍王廟東北溢河壩

花鯉墟距城八十里東抵瓦溪溝南抵朱溪河西抵洋溪河北抵溢河上堡
其地有土主廟齋室尙多初等小學堂寓其內距街二里有關帝廟廟前有
明石爐一鐘一街下十餘里有韭菜巖壁立千仞下臨嵐水土人於巖腹鑿
爲通衢最稱險要街上數里闊羊塢爲楊忠武公破賊處其碑碣尙在

瓦溪溝距城一百二十里東至毛家溝梁與平利交界南交支河界西南與朱溪河交界西交花鯉墟北交平利界其地孟氏嶺爲分汛所駐係東路要區迤西旱田壩有祖師廟棟宇宏敞昔爲與善學舍今雖稍毀然初等小學堂寓其內尙屬裕如

朱溪河距城一百二十里東北瓦溪溝界東支河界南東交河界西漢河界西北洋溪河界

支河距城一百四十里東北至嵐河接平利界東接金雞河南接三溪口界西接朱溪河界北接瓦溪溝界

金雞河距城一百六十里東界平利南界三溪口西界支河北界平利其東金貓關爲嵐河入境之地最稱險要

南鄉

龍王廟距城三十里東北與溢河下保連東與洋溪河連南與構坪交界西

與麥溪溝交界西北與城關蘭河交界其初等小學堂設關梁子勢頗高敞構坪距城五十里東與洋溪河交界南交茨竹湖界西南交木竹壩界西北交麥溪溝界北交龍王廟界其地舊爲關卡今則上山老林開墾已盡人煙稠密爲南北通衢不復稱險要矣

茨竹湖距城八十里東北與洋溪河接界南與漢河接界西與木竹壩接界北與構坪接界其地臨沿河河之南有泰山廟屋宇尙多初等小學堂寓其內

漢河距城一百里東抵朱溪河界南抵漳河坪西抵木竹壩之滄水河界北抵茨竹湖界其初等小學堂設立迤東之玉皇廟迤西有祖師廟係前明萬歷時舊址碑碣猶存

漳河坪距城一百二十里東交西交河界南直上界嶺交四川界西南交漳河界西交木竹壩之滄水河界北交漢河界其地上截漆扒街舊頗繁盛近

因羊芋不熟居民寥落故初等小學堂擇地於下截之長磚塢其對面山梁有德繼勇侯營壘故址下街頭關帝廟亦德公建樑柱尙存

大小漳河距城一百四十里東北與漳河坪連界南與四川城口連界西與滄水河連界地多不毛人烟亦稀故初等小學堂未能興辦其河腦葵花寨勢極險峻嘉慶時白蓮教匪盤踞於此

東西交河三溪口距城一百六十里東抵平利南界界嶺抵四川界西抵漳河坪北抵金鷄河

頭道橋距城十五里東與城關交界南與麥溪溝交界西至遇子坪與鐵佛寺交界北至爐架山與平溪河交界其地石橋甚固有頭道二道三道之名頭橋上十里許有泰山廟舍宇尙闕因設爲初等小學堂麥溪溝距城三十里東界龍王廟南界木竹壩西南界橫溪河西界小溝北界頭道橋街臨四季河多民居而貿易者無幾距街二里許有文昌宮殿堂闕大設初等小學

堂於其中南手攀巖鷄公梁等處素稱險要嘉慶時我兵拋其地以勦教匪獲全勝焉

木竹壩距城一百二十里東與茨竹湖交界南與四川城口交界西與神仙河交界北與麥溪溝交界其地舊與三岔河爲二保近因上山居民稀少故合爲一區但山頂楊泗巖十八拐等處地極狹誠天險也

西鄉

平溪河距城二十五里東至方家壩與城關連界南與頭道橋連界西至柏枝壩與小鎮連界北與六口連界一口印山居其中山頂蓋初等小學堂地勢頗佳其迤南雍灣有白龍洞禱雨轍應

小鎮距城五十里東界連平吉河南界至光頭嶺接鐵佛寺西南至仙女池梁接榨溪西與明珠壩交界北至紅皮梁與小道河上保交界有祖師寨山形小而秀盤鎮中央均以小鎮名其初等小學暫借花廟子俟經費籌足後